

《無量壽經優婆提舍願生偈》 補充講表

◎附表七：

○愛樂佛法味，禪三昧為食。《法華經》：其國眾生，常以二食，一者法喜食，二者禪悅食。

《法華會義》卷九云：「聞法歡喜以資慧命，名法喜食。入禪適悅以持法身，名禪悅食。」

法味：妙法之滋味也。咀嚼妙法而心生快樂，故謂之法味。（糅合《佛學大辭典》）

禪悅食：禪定資神（滋養法身慧命），輕安適悅，即為食義。糅合《華嚴疏鈔》卷三十七

《華嚴經賢首品》云：「若得堅固大悲心，則能愛樂甚深法。若能愛樂甚深法，則能捨離

有為過。」

《華嚴疏鈔》卷二十四云：「初半頌是初地，謂深法，是所證真如；愛樂，是極喜異名。」

《華嚴經十迴向品》云：「願一切眾生得一法味，了諸佛法，悉無差別；願一切眾生得最

勝味，乘一切智，終無退轉。願一切眾生得入諸佛無異法味，悉能分別一切諸根。」

○無量大寶王，微妙淨華臺。（以下糅合《往生論註》）

此二句，名莊嚴座功德成就。佛本何故莊嚴此座？見有菩薩，於末後身敷草而坐，成阿耨多羅三藐三菩提。人天見者，不生增上信，增上恭敬，增上愛樂，增上修行，是故願言：我成佛時，使無量大寶王，微妙淨華臺以為佛座。

無量者，如《觀無量壽佛經》言：「欲觀彼佛者，當起想念，於七寶地上，作蓮華想。」

一、華色數量

令其蓮華，一一葉上，作百寶色；有八萬四千脈，猶如天畫；一一脈有八萬四千光，了了分明，皆令得見。華葉小者，縱廣二百五十由旬。如是蓮華，具有八萬四千葉。

二、葉間珠光

一一葉間，有百億摩尼珠王（大寶王），以為映飾；一一摩尼珠，放千光明；其光如蓋，七寶合成，徧覆地上。

三、華臺寶網

釋迦毗楞伽摩尼寶，以為其臺。此蓮花臺，八萬金剛甄叔迦寶，梵摩尼寶，妙真珠網，以為校飾。

四、寶幢莊嚴

於其臺上，自然而有四柱寶幢，一一寶幢，如百千萬億須彌山，幢上寶幔，如夜摩天宮，復有五百億微妙寶珠，以為映飾；一一寶珠，有八萬四千光；一一光，作八萬四千異種金色。

五、隨機利物

一一金色，徧其寶土，處處變化，各作異相：或為金剛臺，或作真珠網，或作雜華雲；於十方面，隨意變現，施作佛事。」

○相好光一尋，色像超群生。（以下糅合《往生論註》）

此二句，名莊嚴身業功德成就。佛本何故莊嚴如此身業？見有佛身，受一丈光明，於人身

光，不甚超絕。如轉輪王，相好亦大同；提婆達多，所減唯二，致令阿闍世王以茲惑亂。刪闍耶等敢如螳螂，或如此類也，是故莊嚴如此身業。

《大智度論》卷二十九云：「問曰：佛畢竟斷眾生相，無我相，具足空法相；何以故以相莊嚴，如取相者法？答曰：若佛但以妙法莊嚴其心，身無相好者，或有可度眾生，心生輕慢！謂佛身相不具，不能一心樂受佛法。譬如以不淨器盛諸美食，人所不喜；如臭皮囊盛諸寶物，取者不樂。以是故，佛以三十二相莊嚴其身。」

復次，佛常於大眾中作師子吼言：我於眾生中，一切功德最為第一！若佛生身不以相好莊嚴，或有人言：身形醜陋，何所能知！佛以三十二相、八十隨形好莊嚴其身，眾生猶有不信，何況不以相好莊嚴！」

《觀無量壽佛經》言：「佛身高六十萬億那由他恒河沙由旬。彼佛圓光，如百億三千大千世界。於圓光中，有百萬億那由他恒河沙化佛；一一化佛，亦有眾多無數

化菩薩，以為侍者。無量壽佛，有八萬四千相；一一相中，各有八萬四千隨形好；一一好中，復有八萬四千光明；一一光明，徧照十方世界念佛眾生，攝取不捨。其光相好，及與化佛，不可具說。但當憶想，令心眼見。」

○如來微妙聲，梵響聞十方。（以下糅合《往生論註》）

此二句，名莊嚴口業功德成就。佛本何故興此莊嚴？見有如來，名似不尊。如外道軒（音輔，推車也。）人，稱瞿曇姓（瞿曇或喬達摩，是釋迦族的姓氏）。成道日，聲唯徹梵天。是故願言：使我成佛，妙聲遐布，聞者悟忍。是故言：如來微妙聲，梵響聞十方。

※如來所出音聲，言辭清雅，具有八種殊勝功德，令諸眾生聞即解悟。即：（一）極好音，又作最好聲、悅耳聲。謂一切諸天、二乘、菩薩，雖各有好音，卻未達極境，唯佛音聲能令聞者無厭，得入妙道，為好中之最。（二）柔軟音，又作濡軟聲、發喜聲。謂佛以慈善為心，所出音聲巧順物情，能令聞者喜悅，皆捨剛強之心。（三）和適音，又作和調聲、

和雅聲。謂佛常居中道，妙解從容，所出音聲和雅調適，能令聞者心皆融適，因聲會理。

(四)尊慧音，又作入心聲。謂佛德位尊高，慧心明徹，所出音聲能令聞者尊重，慧解開明。(五)不女音，又作無厭聲。謂佛住首楞嚴定，有大雄之德，所出音聲能令一切聞者敬畏，天魔外道，莫不歸伏。(六)不誤音，又作分明聲。謂佛智圓明，照了無礙，所出音聲諦審真實，無有差謬，能令聞者各獲正見。(七)深遠音，又作深妙音。謂佛智幽深，行位高極，所出音聲自近而遠，徹至十方，令近聲非大，遠聞不小，皆悟甚深幽遠之理。(八)不竭音，又作易了聲。謂如來願行無盡，住於無盡法藏，所出音聲令聞者尋其語義，

無盡無窮。(糝合《佛光大辭典》)

※佛告寂慧菩薩言：如來非於唇齒舌喉及其面門，出諸音聲。當知如來音聲，從虛空出，具有六十四種殊妙之相。(糝合《如來不思議祕密大乘經》卷七)

○同地水火風，虛空無分別。

《華嚴經十迴向品》云：「菩薩摩訶薩以諸善根，如是回向時，用無所得而為方便，雖無分別而普入法界，雖無所作而恒住善根，：雖悉見諸法而無所見，普知一切而無所知。」

《華嚴疏鈔》卷三十六云：「明理事無礙，約心，則寂照雙流。：所以寂而常照，照而常寂，故終日知見，而無知見也。」

《大佛頂首楞嚴經》卷四云：「譬如虛空，體非群相，而不拒彼諸相發揮。」

○天人不動眾，清淨智海生。

《往生論註》云：「不動者，言彼天人成就大乘根，不可傾動也。」

《佛說無量壽經》云：「諸佛告菩薩，今覲安養佛，聞法樂受行，疾得清淨處。」

至彼嚴淨國，便速得神通，必於無量尊，受記成等覺。

其佛本願力，聞名欲往生，皆悉到彼國，自致不退轉。」